



Gammachuu fi milkaa'inni ilma namaa wantoota sadii yoo hojjatan guittama. Isaaniis: qalbiin amanuu, qaaman hojii gaggaarii hojjachuu fi hojii badaa irraa dheessu. Qur'aanni wanta namoonni itti amanuu qaban, hojii gaarii hojjachu qabanii fi hojii badaa dhiisu qaban ibsuun gammachuu fi milkaa'inatti ilma namaa qajeelcha.

Firiwwan Kitaabbanitti Amanuu

Description

Gammachuu fi Milkaaâ€™inna argachuu

Jirenya tana keessatti namoonni hunduu gammachuu argachuuf jecha halkanii guyyaa carraaqu. Gariin hojii humna hojjachuun, gariin hojii sammuu hojjachuun gammachuu barbaadu. Garuu gammachuu ilma namaa kan guuttamu wantoota sadii of keessaa yoo qabaatedha. Isaaniis: qalbiin amanuu, qaaman hojii gaggaarii hojjachuu fi hojii badaa irraa of tiksudha. Namni tokko wantoota kanniin hojjachuuf qajeelcha isa barbaachisaa miti ree? Qajeelchi waaâ€™ee wantoota kanniinii isaanitti himu kitaabban Rabbiin irraa buâ€™aniidha. Kanaafu, firiwwan kitaabbanitti amanuu keessaa tokko wantoota armaan olii sadanitti qajeelun gammachuu fi milkaâ€™inna argachuudhaa jechuudha.

Kitaabban Rabbiin irraa buâ€™aan ilmaan namaa maalitti amanuu akka qaban, maal gabbaruu akka qaban sirritti addeessu. Akkasumas, hojii gaggaarii akkamii hojjachuun akka qabanii fi hojii badaa maal akka taâ€™e sirritti ibsu. Ergasii immoo badhaasa nama waan gaarii hojjatee fi adabbii nama waan badaa hojjate ifa godhu. Kanaafi, Kitaabban kunniin ilma namaatiif akka ibsaati jechuudha. Ilmi namaa kan itti qajeeludha. Rabbiin subhaanahu wa taâ€™aalaaakkana jedha:

فَلِيَكُمْ الْكِتَابُ بِالْحَقِّ مُصَدِّقاً لِمَا بَيْنَ يَدَيْهِ وَأَنْزَلَ اللَّهُ رَبُّ الْعَالَمَاتِ وَالْإِنْجِيلَ ۚ مِنْ قَبْلُ هُدَىٰ
وَأَنْزَلَ الْفُرْقَانَ إِنَّ الَّذِينَ كَفَرُواٰ بِإِيمَانِ اللَّهِ لَهُمْ عَذَابٌ شَدِيدٌ وَاللَّهُ عَزِيزٌ ذُو أَنْتَقامَةٍ ۝

Waan isa dura jiru kan dhugoomsu taâ€™e kitaaba dhugaan sirratti buuse. Tawraati fi Injiliis ni buuse. [Qurâ€™aana] dura, namootaaf qajeelfama akka taâ€™aniif, Al-Furqaanin ni buuse. Dhugumatti isaannan Aayaata Rabbitti kafaran adabbii cimaatu isaaniif jira. Rabbiinis Injifataa, Abbaa haaloo bayannaati. Suuratu Aali-Imraan 3:3-4

Kana jechuun Rabbiin oltaâ€™e Qurâ€™aana dhugaa irratti hundaaâ€™e Nabii Muhammad (SAW) irratti buuse. Wanti Qurâ€™aanni itti ajajuu, irraa dhoowwu fi odeefannoona ijaan hin mulâ€™anne beeksisu hundii dhugaadha. Sababni isaas, Rabbiin irraa kan buâ€™eedha. Qurâ€™aanni kitaabban isa

dura buâ€™an ni dhugoomsa. Kana jechuun odeefannoo kitaabban darban of keessaa qaban ni mirkaneessa, odeefannoonaanisaanii kan haqa taâ€™e odeefannoo Qurâ€™aanitiin walitti gala. Akkasumas, kitaabban darban Nabii Muhammad (SAW) akka ergaman beeksisanii turan. Kanaafu, Qurâ€™aanni beeksisa isaanii kana ni mirkaneesse jechuudha. Rabbiin Qurâ€™aana dura Tawraatin Nabii Muusaa (AS) irratti, Injiilin immoo Nabii Iisaa (AS) irratti buusee jira. **â€œnamootaaf qajeelfama akka taâ€™aniifaâ€** kana jechuun Rabbiin Qurâ€™aana, Tawraata fi Injiilin namoonni jallinna keessaa bahanii akka qajeelaniif buuse. Namni qajeelfama Rabbii fudhate, inni nama qajeledha. Namni kana hin fudhanne immoo jallinna keessatti hafa.

â€œAl-Furqaanin ni buuse.â€ Kana jechuun qajeelinnaa fi jallinna, haqaa fi sobaa kan addaan baasu ni buuse. Akkasumas, wantoota namooni barbaadan hunda addaan babaase ni ibse. Hanga seeronni fi murtiwwan amanti ifa taâ€™anitti namootaf ifa ni godhe. Kana booda, nama Isatti fi aayata Isaatti hin amanneef sababni (uzriin) tokkollee hin jiru. Kanaafiakkana jedhe, **â€œDhugumatti isaannan Aayaata Rabbitti kafaran..â€** Kana jechuun keeyyattota fi ragaalee erga isaaniif ibsee booda, namoonni keeyyattota fi ragaalee kanniitti amanuu didan, Guyyaa Qiyaamaa **â€œadabbii cimaatu isaaniif jira.â€** **â€œRabbiinis Injifataaâ€** kana jechuun Inni abbaa humnaati, homtu Isa hin dadhabsiisu. **â€œAbbaa haaloo bayannaatiâ€**. nama aayata Isa kijibsiise fi Ergamtoota Isa faallesse irraa haaloo baafata. Kana jechuun akkuma namoonni daangaa Isaa darbanii fi kafaran, Innis adabbi cimaan isaan qaba.[1][2]

Kanaafu, gammachuu fi dararaan, qajeelinnaa fi jallinni ilma namaa kitaabban Rabbiin buusetti amanu fi amanuu dhiisu irratti kan hundaaâ€™eedha. Akkuma yeroo darbe jenne, kitaabbanitti amanuu jechuun kitaabban Rabbiin irraa haqaan buâ€™uu itti amanuu, ergaan isaan of keessaa qaban guutumaan guututti haqa akka taâ€™e itti amanuu fi hordofuudha. Kitaabban Qurâ€™aana dura buâ€™an yeroo ammaa sababa namaatin waan jijiramanii, kitaabni Rabbii hanga ammaa osoo jijiramin addunyaa irra jiru Qurâ€™aana qofaa jechuudha. Kanaafu, Qurâ€™aanni hanga Guyyaa Qiyaamatti namootaf qajeelfamaa fi ifa taâ€™a. Rabbiin ni jedha:

يَا يَاهَا النَّاسُ قَدْ جَاءَتُكُم مَوْعِظَةٌ مِنْ رَبِّكُمْ وَشَفَاءٌ لِمَا فِي الصُّدُورِ وَهُدًى وَرَحْمَةٌ
لِلْمُؤْمِنِينَ ﴿٤٨﴾ قُلْ بِفَضْلِ اللَّهِ وَبِرَحْمَتِهِ فَإِذَا لَكَ فَلِيَفْرَحُوا هُوَ خَيْرٌ مِمَّا يَجْمَعُونَ

â€œYaa ilmaan namaa, dhugumatti gorsi Gooftaa keessan irraa taatee, waan qoma keessa jiruf qoricha, muâ€™imintootaf (warroota dhugaan amananiif) qajeelfamaa fi rahmata tan taate isintitti dhufte. Jedhi â€œTola Rabbiitii fi rahmata Isaatiin-Sanatti haa gammadan, isatu waan isaan walitti qaban caalati.â€ Suuraa Yuunus 10:57-58

Rabbiin subhaanahu wa taâ€™aalaa Kitaaba Kabajamaa kana amaloota gaarii isaa ibsuun namoonni gara isaatti akka garagalan itti kakaasa. **Yaa ilmaan namaa, dhugumatti gorsi Gooftaa keessan irraa taateeâ€** isintitti dhufte.â€ Kana jechuun hojiiwan dallansu Rabbiiti fi adabbii Isaatti nama geessan isin yaadachisa, isin gorsa. Buâ€™aa fi badii hojii badaa irraa dhalatuu ibsuun isin akeekachisa. Gorsi kunis Qurâ€™aana. **â€œWaan qoma keessa jiruuf qorichaâ€** Dhiveen qalbii fi badiin hundi wantoota lama irraa burqu. Isaanis: Shawhaata (fedhii lubbuu) fi shubahaata (shakkii, dhugaa fi sobni wal-fakkaachu). **Fedhiin lubbuun** akka ajaja Rabbitiif hin masakamne ykn hin hordofne nama dhoowwa.

Shakkiin ykn dhugaa fi sobni wal fakkaachun immoo beekumsa dhugaatin wal falleessa, kanaafu amantii keessatti akka shakkan nama taasisa. Qurâ€™aanni dhibeewwan kanniniif qoricha. Gorsii, abdachisuun, sodaachisuun, waadaa fi akeekachisni Qurâ€™aana keessa jiru hundi, nama tokko akka abdii qabaatu fi dhuma badaa sodaatu isa taasisa.

Namni hojii gaarii hojjachuutti yoo fedhii qabaate fi hojii badaa irraa yoo dheesse, ergasii kanniin lamaan akkuma hiika Qurâ€™aana hubatuun irra deddeebiâ€™e yoo shaakale, kuni wanta lubbuun isaa barbaadde caalaa wanta Rabbiin barbaade akka filatu isa taasisa. Haala kanaan wanta fedhiin lubbuu isaa jaallatu caalaa wanta Rabbiin jaallatu isa biratti jaallatama taâ€™a.

Haaluma kanaan ragaalee fi ibsi Rabbiin Qurâ€™aana keessatti siritti ibse, shakkii qalbii namaa irraa oofa. Qalbiin sadarkaa olâ€™aanaa yaqiinaa irra geetti. Yaqiina jechuun beekumsa dhugaa shakkii wayitu hin qabneedha. Qalbiin yoo fayyite fi tolte, qaamnis ni tola, hojii gaarii hojjata.

â€œemuâ€™imintootaf (warroota dhugaan amananiif) qajeelfamaa fi rahmataâ€¢qajeelfama jechuun haqa beekanii hojii irra oolchudha. Rahmata jechuun immoo wanta gaarii, tola, mindaa ammaa fi boodaa nama ittiin qajeelfameef argamuudha. (Fkn, muâ€™imintooni Jannata yommuu seenan, Jannani isaaniif rahmata. Sababni isaas, Jannani waan gaarii sababa hojii isaaniti fi Qurâ€™aan qajeeeliin argataniidha.) Kanaafu, qajeeleinni sababa hundarra guddaa wanta barbaadan itti argataniidha, rahmanni immoo wanta barbaadanii fi kajeelan suni kan ittiin guuttamuudha. Garuu Qurâ€™aanni qajeelfamaa fi rahmata kan taâ€™uuf warroota amanan qofaafi. (Sababni isaas, amanuun ykn iimaanni furtuu jalqabaa qajeelfamaa fi rahmanni itti banamuudha. Namtichi yoo hin amaniin akkamitti qajeelfamaa fi rahmata Qurâ€™aana keessa jiru argataa?)

Qajeelfamni yoo argamee fi rahmanni isarrea burquu yoo jalqabee, gammachuun fi milkaâ€™inni, buâ€™aa buufachuu fi nagaha bahuun, mirqaansu fi tasgabbiin ni argama. Kanaafi, Rabbiin kanatti akka gammadanakkana jechuun ibsa: **Jedhi, â€œTola Rabbiitiiâ€¢kana** jechuun Qurâ€™aana qananii fi tola hundarra caalee Rabbiin gabroota Isaa irratti ooledha. **â€œrahmata Isaatiinâ€¢** kana jechuun Islaama, iimaanaa, Rabbiin gabbaruu, Isa jaallachuu fi beeku. **â€œSanatti haa gammadan, isatu waan isaan walitti qaban caalati.â€¢** Kana jechuun qabeenya baddu isaan walitti kuusan irra Qurâ€™aana fi Islaamatu caala. Kanaafu, Qurâ€™aana fi Islaamatti haa gammadan. Sababni isaas, gammachun Qurâ€™aana fi Islaaman argamuu gammachuun ganda lamaaniti. Addunyaa fi Aakhiratti gammachuun itti fufuudha. Gammachuun qabeenya garuu takkaa qabeenyi suni baduun takkaa immoo namni suni duâ€™uun addunyaa tana irratti ni cita ykn ni bada.

Sababni Rabbiin tolaa fi rahmata Isaatti akka gammadan kan ajajeef, gammachuun kuni nafseen akka balâ€™attu fi mirqaantu, akka Isa galateefatan, beekumsa barbaadu fi iimaana dabalachuu keessatti fedhii cimaa akka qabaatanif kan taasisu keessaa tokkoodha[1]. Namni wanta isa gammachisuun fi mirqaansu yoo arge, wanta san hojjachutti fiiga. Kanaafu, Qurâ€™aanni fi Islaamni wanta gammachuun namaaf fidan waan taâ€™aniif namni isaan beeku fi hordofuuf fedhii cimaa qabaachu qabaa jechuudha.

Guduunfaa

â€™Gammachuun fi milkaâ€™inni ilma namaa wantoota sadii yoo hojjatan guuttama. Isaanis: **Qalbiin amanuu, qaaman hojii gaggaarii hojjachuu fi hojii badaa irraa dheessu.**

â™£Gammachuu jechuun tasgabbii namni qalbii keessatti argatuudha. Milkaaâ™inna jechuun immoo wanta gaarii barbaadan argachuu fi wanta badaa sodaatan irraa nagaha bahuudha.

â™¥Kitaabban Rabbiin buusetti amanuu fi hordofuun karaa hundarra caalu gammachuu fi milkaaâ™inna itti argataniidha.

â™!Sababni guddaan gammachuu itti dhabanii fi jirenyaa keessatti dararamaniif **fedhii lubbuu hordofuu fi shakkiidha**.

â™ Qurâ€™aanni dhibee lamaan armaan oliitif qoricha. Wanta gaarii namni hojjachuu qabu, wanta badaa dhiisu qabu, badhaasa fi adabbii itti agarsiisuu fi ragaalee siritti ibsuun fedhii lubbuu hordofuu fi shakkii qalbii irraa oofa.

â™!Tolli guddaan Rabbiin ilma namaa irratti oole Qurâ€™aana isaaniif buusudha. Sababni isaas, sababa Qurâ€™aanatin dukkanaa fi dhamaâ™iinsa jirenyaa keessaa gara ifaatti bahu. Gammachuu addaan hin cinne addunyaa fi Aakhiratti argatu. Kanaafu, qabeenya caalaa Qurâ€™aana fi Islaamatti haa gammadan.

â™!Sababni isaas, gammachuun qabeenyan argamu gabaaba fi kan baduudha. Gammachuun Qurâ€™aanaa fi Islaaman argamu yeroo hundaa kan turuudha. Rabbiin subhaanahu wa taâ€™aala ni jedhe:

يَأَيُّهَا النَّاسُ قَدْ جَاءَكُمْ الْحُقْقُ مِنْ رَبِّكُمْ فَمَنْ أَهْتَدَى فَإِنَّمَا يَهْتَدِي لِنَفْسِهِ وَمَنْ ضَلَّ
يَضْلُلُ عَلَيْهَا وَمَا أَنَا عَلَيْكُم بِوَكِيلٍ ﴿١٦﴾

Jedhi, â€œYaa Ilmaan namaa! Dhugumatti, haqni Gooftaa keessan irraa isinitti dhufee jira. Kanaafu, namni qajeele lubbuma ofiitiif qajeele. Namni jallates ishma (lubbuma ofii) irratti jallate. Ani isin irratti wakiila (tiksaa fi tooâ€™ataa) mitiâ€™ Suuratu Yuunus 10: 108 waa akhiru dawâ€™aana anilhamdulillah Rabbil aalamiin

Kitaabban wabii

- [1] [Taysirul Kariimil Rahmaani fii tafsiiri Kalaamil Mannaani](#)â€“Abdurahmaan fuula 125, 421-422, Naasir Saâ€™dii
- [2] Tafsiir ibn Kasiir 2/5

Date Created

September 8, 2018

Author

admin